

SECRETARÍA

XERENCIA MUNICIPAL DE
URBANISMO

CONCELLO
DE VIGO



JOSÉ RIESGO BOLUDA, SECRETARIO DA XERENCIA MUNICIPAL DE URBANISMO DO CONCELLO DE VIGO

CERTIFICO: Que o Consello de Xerencia da Xerencia Municipal de Urbanismo do Excmo. Concello de Vigo, en sesión extraordinaria do día 28/09/2022 acordou:

2. ORZAMENTO 2023 DA XERENCIA MUNICIPAL DE URBANISMO. EXPTE. 14817/407.

Antecedentes:

O 23/09/2022 o xerente de Urbanismo, co conforme da vicepresidenta da XMU, emite a seguinte proposta:

“De conformidade co preceptuado polo artigo 168 do texto refundido da Lei Reguladora das Facendas Locais (Real Decreto Lexislativo 2/2004, de 5 de marzo), a Xerencia Municipal de Urbanismo como Organismo Autónomo adscrito ao Concello de Vigo, presenta ao Consello da Xerencia, a aprobación do seu Orzamento.

Redactouse este Orzamento seguindo o previsto polos artigos 162 e seguintes do Real Decreto Lexislativo 2/2004, de 5 de marzo, polo que se aprobou o texto refundido da Lei Reguladora das Facendas Locais, contendo a expresión cifrada, conxunta e sistemática das obrigas que, como máximo, poden recoñecer este Organismo Autónomo e os dereitos que se prevén liquidar durante o exercicio 2023.

De conformidade co artigo 165 do Real Decreto Lexislativo 2/2004, o Orzamento está integrado por:

- a) Os estados de gastos, nos que se inclúen, coa debida especificación, os créditos necesarios para atender ó cumprimento das obrigas.
- b) Os estados de ingresos, nos que figuraran as estimacións dos distintos recursos económicos a liquidar durante o exercicio.

Así mesmo, inclúense as bases de execución, que conteñen a adaptación das disposicións xerais en materia orzamentaria á organización e circunstancias deste Organismo, sen prexuízo da aplicación das bases xerais do Concello.

Conforme co artigo 168.1 e 2 do propio Real Decreto Lexislativo 2/2004, ó Orzamento do Organismo Autónomo únese a seguinte documentación:

- 1) Memoria explicativa do seu contido e das principais modificacións que presente en relación co vixente.
- 2) Liquidación do presuposto do exercicio e avance da do corrente, referida, polo menos, a seis meses do exercicio corrente.
- 3) Anexo de persoal da Entidade Local.
- 4) Anexo dos investimentos a realizar no exercicio.
- 5) Anexo de beneficios fiscais en tributos locais contendo información dos beneficios fiscais e a súa incidencia nos ingresos da Xerencia.

SECRETARÍA

XERENCIA MUNICIPAL DE
URBANISMO

CONCELLO
DE VIGO



6) Un informe económico-financieiro, no que se expoñen as bases utilizadas para a avaliación dos ingresos, a suficiencia dos créditos para atender o cumprimento das obrigas esixibles e os gastos de funcionamento dos servizos e, en consecuencia, a efectiva nivelación do orzamento.

CONTIDO SALIENTABLE.

O importe total do Orzamento da Xerencia para 2022 é de 8.885.748,43 euros, deixando de incluír no capítulo VI do Estado de Gastos os investimentos a financiar co remanente líquido de tesourería e cos recursos obtidos polo alleamento de bens do PMS, tanto os producidos en exercicios anteriores e non aplicados a gastos determinados como aqueles que se poidan producir en 2023. Nestes casos tramitarase o correspondente modificación orzamentaria. Tamén serán obxecto de incorporación os remanentes de crédito non executados a 31 de decembro de 2022 e que suporán un forte aumento nas consignacións dos capítulos VI de Investimentos e VII de Subvencións de capital, especialmente as destinadas ás axudas do Programa de Rexeneración e Renovación Urbana do Plan Estatal de Vivenda, que permitirán o financiamento de obras de particulares en vivendas situadas nas Áreas de Rehabilitación Integral de Vigo e nos Entornos Residenciais de Rehabilitación Programada (ERRP) que se podan declarar.

A pesar da diminución dalgunhas partidas, os gastos correntes incrementáanse un 3% no capítulo II como consecuencia dos incrementos de custos de persoal que repercuten as empresas adjudicatarias de servizos externalizados e co fin de dar cobertura á xestión das Oficinas de redacción do PXOM e de xestión das axudas de rehabilitación.

O capítulo I de gastos de persoal recolle a previsión dun incremento salarial do 3% para o exercicio 2022.

Consígnanse créditos, igual que os exercicios anteriores, para posibilitar a concesión de axudas para comunidades de propietarios que executen obras de mellora na accesibilidade dos edificios antigos e para colaborar no financiamento da iluminación de edificios históricos.

Todos estes gastos financiaranse de acordo cunhas previsións de ingresos que globalmente se incrementan un 4,04%, polo maior financiamento externo que se pretende acadar.

Existe suficiencia financeira para asumir os custos deste Organismo Autónomo no ano 2023, de tal forma que existe cobertura orzamentaria de todos os contratos vixentes, de todos os compromisos de gastos adquiridos e dos gastos proxectados.

PROPOSTA.

En conclusión, propónse ao Consello da Xerencia (competente de acordo co artigo 10º.1.h) dos vixentes Estatutos deste Organismo Autónomo) que eleve á Xunta de Goberno Local a adopción do seguinte acordo:

Propoñer ao Pleno do Concello a aprobación, como parte do seu Orzamento Xeral, do Orzamento do Organismo Autónomo “Xerencia Municipal de Urbanismo” para o exercicio 2023, que ascende ao importe de 8.885.748,43 euros.”

Votación:

EN CONTRA: 1 voto do concelleiro non adscrito Sr. Pérez Iglesias.

ABSTENCIÓNS: 2 abstencións: 1 do PP: Sra. Bartolomé Tocino e 1 do Grupo Mixto: Sr. Pérez Correa.

SECRETARÍA

XERENCIA MUNICIPAL DE
URBANISMO

CONCELLO
DE VIGO



A FAVOR: 7 votos do PSOE: Sres. Rodríguez Díaz, Espinosa Mangana, Mejías Sacaluga, Caride Estévez, Aneiros Pereira, Fernández Pérez e López Font.

Acordo:

O Consello, conforme ao cómputo de votos establecido na sesión constitutiva de data 11/07/2019, acorda elevar o presente expediente á Xunta de Goberno Local para a súa resolución.

E para que conste, para os efectos oportunos, expido a presente de orde e co visto e prace da Sra. vicepresidenta da Xerencia de Urbanismo, coa salvedade indicada no artigo 206 do Regulamento de organización, funcionamento e réxime xurídico das entidades locais (RD.2568/1986), en Vigo no día da sinatura dixital.

tr/

Vº e Pº.

A vicepresidenta da XMU
María José Caride Estévez